



সর্বোচ্চ ৩০.৪°  
সর্বনিম্ন ২২.৭°  
কোচবিহার

বাতাসে আপেক্ষিক আর্দ্রতার পরিমাণ ৫৩ শতাংশ

মঙ্গলবারের পূর্বাভাস : আংশিক মেঘলা আকাশ, বৃষ্টি হতে পারে।



উত্তরবঙ্গ সংবাদ ১৭ এপ্রিল ২০১৮ তেরো

# এই ওয়ার্ডেই শতবর্ষ প্রাচীন স্কুল

এক নজরে ৮ নম্বর ওয়ার্ড

কাউন্সিলার : অর্চনা ওঝা  
(তৃণমূল কংগ্রেস)

ভোটার সংখ্যা : আট হাজার

ওয়ার্ডের এলাকা : এন এন রোড, নতুনপল্লি, থানা চৌপাথি হয়ে রূপনারায়ণ রোডের ডানপাশ, ভবানীগঞ্জ বাজার, পাওয়ার হাউস মোড়।

বদলাচ্ছে সময়, বদলাচ্ছে শহর। কেমন আছে কোচবিহার শহরের ওয়ার্ডগুলি? ঘরে ঘরে পৌঁছে খোঁজ নিল

উত্তরবঙ্গ সংবাদ



কোচবিহার, ১৬ এপ্রিল : কোচবিহার শহরে মন্ত্রীর ওয়ার্ডেই পরিচিতি রয়েছে ৮ নম্বর ওয়ার্ডের। কারণ এই ওয়ার্ডের নতুনপল্লিতে বাড়ি উত্তরবঙ্গ উন্নয়নমন্ত্রী রবীন্দ্রনাথ ঘোষের। ৮ নম্বর ওয়ার্ডটি শহরের ব্যবসা-বাণিজ্যের মূলকেন্দ্র। ফলে স্বাভাবিকভাবেই এই ওয়ার্ডে প্রতিদিন বহু মানুষের যাতায়াত লেগে থাকে। আর্মি ব্যারাকের বিপরীত দিক থেকে এন এন রোড, রাজবাড়ি গেটের বিপরীত থেকে কেশব রোডের ডানপাশ, রূপনারায়ণ রোড ও থানা চৌপাথি পর্যন্ত এই ওয়ার্ডের বিস্তৃতি। এই ওয়ার্ডেই রয়েছে কোচবিহারের ঐতিহ্যবাহী ভবানীগঞ্জ বাজার ও এন এন পার্ক। ওয়ার্ডে শিক্ষাপ্রতিষ্ঠানের মধ্যে রয়েছে একটি মাদ্রাসা ও সদর নগরী প্রাইমারি স্কুল। জানা গিয়েছে, স্কুলটি ১০৮ বছর আগে স্থাপন হয়েছিল। সতানারায়ণ ওঝা নামে এক ব্যক্তি স্কুলটি তৈরি করেছিলেন। ধর্মীয় প্রতিষ্ঠানের মধ্যে রয়েছে বাজারের ভেতরে দুটি মন্দির ও ভবানীগঞ্জ বাজার লাগোয়া পাওয়ার হাউসের সামনে পুরাতন মন্দির।

ভবানীগঞ্জ বাজার থেকেই কোচবিহারের

# মাথাভাঙ্গায় মাঠ ব্যবহার করে চলছে মিলার মেশিন

মাথাভাঙ্গা, ১৬ এপ্রিল : মাথাভাঙ্গা শহরের চৌপাথি সংলগ্ন এলাকায় বেআইনিভাবে খোদা এসিএমওএইচ অফিসের মাঠ ব্যবহার করার অভিযোগ উঠল পুরসভা ও রাস্তা তৈরির ঠিকাদার সংস্থার বিরুদ্ধে। অভিযোগ, এসিএমওএইচ অফিসের মাঠে মিলার মেশিন চালিয়ে রাস্তা নির্মাণের উপকরণ তৈরি হচ্ছে। এ ব্যাপারে অনুমতি দেওয়ায় প্রশ্ন উঠছে এসিএমওএইচ-এর ভূমিকা নিয়েও। মিলার মেশিন থেকে বেরোনা ধোঁয়ায় এলাকার পরিবেশও দূষিত হচ্ছে।

গত দু-সপ্তাহ ধরে এইভাবে এসিএমওএইচ অফিসের মাঠে মিলার মেশিন বসিয়ে কাজ চললেও তার বিরুদ্ধে এসিএমওএইচ কোনো ব্যবস্থা নেননি বলে অভিযোগ। যদিও মাথাভাঙ্গার এসিএমওএইচ ডাঃ অনিন্দিতা দাস জানান, মাথাভাঙ্গা পুরসভার পুরপ্রধান লক্ষ্মণপ্রসাদ পুরসভার উন্নয়নের স্বার্থে মৌখিকভাবে কয়েকদিনের জন্য মাঠটি ব্যবহারের আবেদন করেছিলেন। সেজন্য তিনি অনুমতি দেন বলে এসিএমওএইচ জানিয়েছেন। তবে এতদিন ধরে যেভাবে মাঠটি ব্যবহার করা হচ্ছে তাতে রীতিমতো অসন্তুষ্ট ডাঃ দাস। তিনি বলেন, "আমাকেও বিটিমিনের ড্রাম, পাথরের স্তুপ এড়িয়ে গাড়ি নিয়ে নিজের অফিসে ঢুকতে হচ্ছে। এটা চলতে পারে না। এছাড়া মিলার মেশিন থেকে যেভাবে পরিবেশ দূষিত হচ্ছে সেটাও মেনে নেওয়া যায় না।" এসিএমওএইচ বলেন, "পুরসভার রাস্তা তৈরির দায়িত্বপ্রাপ্ত ঠিকাদার কোথায় তাঁদের মেশিন বসানেন সেটা তাঁদের বিষয়।" তিনি জানান, মাঠ থেকে নির্মাণ সামগ্রী দ্রুত সরানোর জন্য তিনি পুরপ্রধানকে জানিয়েছেন। না সরালে বিষয়টি নিয়ে পুরসভাকে চিঠি দেওয়ার পাশাপাশি উর্ধ্বতন কর্তৃপক্ষের নজরে আনবেন।

শহরের প্রাপকেন্দ্রে নিয়মিত মিলার মেশিন চালিয়ে এইভাবে পরিবেশ দূষণ করায় ক্ষুব্ধ এলাকার বাবসায়ীরাও



এসিএমওএইচ অফিসের মাঠে মিলার মেশিন চালিয়ে রাস্তা নির্মাণের উপকরণ তৈরি হচ্ছে।

# শ্মশানঘাট সংস্কারে উদ্যোগী হল তুফানগঞ্জ পুরসভা

তুফানগঞ্জ, ১৬ এপ্রিল : রায়ডাক নদীর চরের শ্মশানঘাট পরিদর্শন করলেন তুফানগঞ্জ পুরসভার পুরপ্রধান অনন্তকুমার বর্মা। সোমবার সকালে তিনি তুফানগঞ্জ শহরের শ্মশানঘাটটির পরিদর্শিত খতিয়ে দেখেন। পরিদর্শন শেষে অনন্তবাবু জানান, পুর দপ্তরের প্রায় আট লক্ষ টাকায় তুফানগঞ্জ শ্মশানঘাটে একেবারেই পরিষ্কার করা হবে। এছাড়াও শ্মশানঘাটের সৌন্দর্য বৃদ্ধির জন্য বেশ কিছু গাছ লাগানো হবে।

শ্মশানঘাটে সীমানা প্রাচীর ও গেট নির্মাণের উদ্যোগে খুশি অনেকেই। চন্দ্রকুমার বর্মন নামে জনৈক ব্যক্তি বলেন, ৩১ নম্বর জাতীয় সড়কের দক্ষিণ দিকে শ্মশানঘাটে বাউন্ডারি ওয়াল না থাকায় শব্দহাদের সময় দূশাদূষণ হত। বাউন্ডারি ওয়াল করা হলে দূশাদূষণ বন্ধ হবে বলে তিনি আশা প্রকাশ করেন।

## জমির মালিকানা পেল বিশ্ববিদ্যালয় সন্ত্রাসের বিরুদ্ধে স্মারকলিপি

কোচবিহার, ১৬ এপ্রিল : তৈরি হওয়ার প্রায় ৬ বছর পর কোচবিহার পঞ্চদশ বর্ষ বিশ্ববিদ্যালয় কর্তৃপক্ষ জমির মালিকানা হাতে পেল। বিরেকানন্দ স্ট্রিট ২০ একর জমির উপর তৈরি হয়েছে বিশ্ববিদ্যালয়। কৃষিবিজ্ঞান খামারের ওই জমি এতদিন ছিল জেলা কৃষি দপ্তরের অধীনে। সরকারি নিয়মকানুনের জেরে এতদিন ওই জমি বিশ্ববিদ্যালয়ের নামে রেজিস্ট্রি করা যায়নি। অবশেষে সোমবার এই কাজ সম্পন্ন হয়। বিশ্ববিদ্যালয়ের রেজিস্ট্রার আবদুল কাদের সাকেলি বলেন, "সরকারি কিছু নিয়মকানুনের জন্য জমির রেজিস্ট্রেশনের কাজে কিছুটা দেরি হয়েছে। আজ থেকে বিশ্ববিদ্যালয় এই জমির মালিক হলে আইনগত দিক থেকে আর কোনো সমস্যা রইল না।"

কোচবিহার, ১৬ এপ্রিল : এসইউসিআই(সি)-র পক্ষ থেকে জেলাজুড়ে লাগামহীন সন্ত্রাসের বিরুদ্ধে জেলাশাসকের কাছে স্মারকলিপি দেওয়া হল। সোমবার সংগঠনের নেতা শিশির সরকার বলেন, মনোমননপত্র জমা দেওয়ার সময় থেকে শাসকদলের সন্ত্রাস শুরু হয়েছে। আমাদের দলের কর্মীদের উপর হামলা চালানো হচ্ছে। আমাদের কর্মী-সমর্থকদের ধরবাড়ি ভাঙচুর করা হচ্ছে। জেলাজুড়ে সন্ত্রাসের পরিবেশ রয়েছে। অভিযোগ জানালেও পুলিশ

## সন্ত্রাসের বিরুদ্ধে স্মারকলিপি মরণোত্তর চক্ষুদান

প্রশাসনের পক্ষ থেকে কোনো ব্যবস্থা নেওয়া হচ্ছে না। তাই সন্ত্রাস বন্ধ করতে জেলা প্রশাসনের হস্তক্ষেপ চেয়ে জেলাশাসকের কাছে স্মারকলিপি দেওয়া হয়েছে এদিন। জেলাশাসকের দপ্তরের তরফে স্মারকলিপির প্রাপ্তিস্বীকার করা হয়েছে।

দিনহাটা, ১৬ এপ্রিল : মরণোত্তর চক্ষুদান করে নজির পড়লেন দিনহাটা শহরের ১০ নম্বর ওয়ার্ডের সাহেবগঞ্জ রোডের বাসিন্দা জয়চন্দ্র লাল মাহেশ্বরী (৮৪)। এদিন জয়চন্দ্রের ভাইপো ললিত বানওয়ার জানান, সকাল ৯টা নাগাদ জয়চন্দ্রপার্ব শেখনিয়াস জাগ করেন। তাঁরই ইচ্ছানুযায়ী চক্ষুদানের জন্য আলিপুর্নদুয়ার লায়ন্স ক্লাবকে খবর দেওয়া হয়। সকাল ১১টায় ওই সংগঠনের সদস্যরা এসে চক্ষু সংগ্রহের ব্যবস্থা করেন। দিনহাটা হাসপাতালের চিকিৎসক উজ্জল আচার্য জানান, এরকম কাজ সমাজে দৃষ্টান্ত তৈরি করে।

## মে মাসের বিষয় বন্যপ্রাণ

ছবি পাঠানোর শেষ তারিখ ১ মে, ২০১৮

আলোকচিত্র প্রতিযোগিতা

- ছবি পাঠান - photocontestubs@gmail.com-এ
- একজন প্রতিযোগী একটি বিষয়ের উপর সর্বাধিক তিনটি ছবি পাঠাতে পারবেন।
- নির্বাচিত ছবি প্রকাশিত হবে ৪ মে সংকল্পিত বিজ্ঞানে।
- ডিজিটাল ছবির ক্ষেত্রে মাণ হবে ১৮০০ পিক্সেল চওড়া এবং ১২০০ পিক্সেল লম্বার দিকে। ফাইল সাইজ 1.5 MB হওয়া চাই। এই মাপের ছবি না হলে তা বাতিল বলে গণ্য করা হবে।
- ছবির সঙ্গে অবশ্যই পাঠাতে হবে, Photo Caption, ক্যামেরার বৈশিষ্ট্য ও অন্যান্য প্রয়োজনীয় তথ্য।
- উত্তরবঙ্গ সংবাদের কোনো কর্মী বা তার পরিবারের কোনো সদস্য এই প্রতিযোগিতায় অংশগ্রহণ করতে পারবেন না।
- ছবিতে Water Mark এবং Border থাকলে তা বাতিল হবে।
- ছবির সঙ্গে অবশ্যই আপনার পুরো নাম ও ঠিকানা লিখে পাঠাবেন, অন্যথায় আপনার পাঠানো ছবি বাতিল বলে গণ্য হবে।

## রেল প্রদর্শনী স্বচ্ছ রাজবাড়ি

কোচবিহার, ১৬ এপ্রিল : সোমবার থেকে কোচবিহার রেল মিউজিয়ামে শুরু হল দুদিনের এক প্রদর্শনী। রেলের আলিপুর্নদুয়ার ডিভিশনের ডিআরএম চন্দ্রভীর রমণ প্রদর্শনীর উদ্বোধন করেন। গত এক বছরে রেলের আলিপুর্নদুয়ার ডিভিশন বিভিন্ন ক্ষেত্রে যে সমস্ত উল্লেখযোগ্য কাজ করেছে তা তুলে ধরা হয়েছে ওই প্রদর্শনীতে। ডিভিশনের কৃতিত্ব প্রকাশ পেয়েছে বিভিন্ন খণ্ডচিত্রের মাধ্যমে।

কোচবিহার রেলস্টেশনের সামনেই রয়েছে রেল মিউজিয়ামটি। মিউজিয়ামটিকে সুন্দরভাবে সাজিয়ে শুরু হয়েছে ওই প্রদর্শনী। ১৬ ও ১৭ এপ্রিল এই দুদিন সর্বসাধারণের জন্য প্রদর্শনীর পাশাপাশি রেল মিউজিয়ামটিও যুগে দেখার ব্যবস্থা করেছে রেল। সেজন্য কোনো টিকিট লাগবে না। প্রদর্শনীর মধ্যে আছে গত এক বছরে রেলের আলিপুর্নদুয়ার ডিভিশনে রেলযাত্রীদের জন্য কী কী সুযোগসুবিধার ব্যবস্থা করা হয়েছে, সৌন্দর্যায়নের লক্ষ্যে কী পদক্ষেপ নেওয়া হয়েছে, নিরাপত্তার কী ব্যবস্থা নেওয়া হয়েছে ইত্যাদি। বিভিন্ন পোস্টারের মাধ্যমে তুলে ধরা হয়েছে বিষয়গুলি। ডিআরএম চন্দ্রভীর রমণ বলেন, "সম্প্রতি মালিগাওতে রেলের ৬৩তম বার্ষিক পুরস্কার বিজয়ী অনুষ্ঠানের আয়োজন করা হয়েছিল। সেখানে আলিপুর্নদুয়ার ডিভিশন ৩টি পুরস্কার পেয়েছে। সেই পুরস্কারগুলোকে সামনে রেখে এই আয়োজন। পাশাপাশি গত এক বছরে আমাদের ডিভিশনের কাজ তুলে ধরে প্রদর্শনীর আয়োজন করা হয়েছে।" এদিকে ডুয়ার্সের রেলপথে হাতিমুত্বা বা দুর্ঘটনা এড়াতে শীঘ্রই ফেলিং দেওয়ার কাজ শুরু হবে বলে ডিআরএম এদিন জানান। রেল ও বন দপ্তর সেজন্য মৌখিকভাবে সার্তেও করেছে। জলঢাকা ও মুর্তি এলাকায় গুভারপাস তৈরি করার পরিকল্পনা রয়েছে বলে ডিআরএম জানিয়েছেন এদিন।

## একঘেয়ে চাকরি? নাকি কাজের মধ্যে অ্যাডভেঞ্চারের স্বাদ?

আমরা আপনাকে সুযোগ দেব সত্যিকার কাছ থেকে দেখার। কোথায় কী হচ্ছে জানতে পারবেন সবার আগে। পৌঁছে যেতে পারবেন খবরের একদম গভীরে।

### আছে আপনার মধ্যে সেই আত্মবিশ্বাস

সাংবাদিক খুঁজছে উত্তরবঙ্গ সংবাদ

আমরা চাইছি : সাবলীল বাংলা লেখার দক্ষতা। পরিচ্ছন্ন ভাবমূর্তি। কম্পিউটার সহ ফোটোগ্রাফির জ্ঞান। এই পেশায় অভিজ্ঞতা এবং নিজের বাইক থাকলে ভালো, না থাকলেও ক্ষতি নেই।

প্রার্থীদের অবশ্যই হতে হবে কোচবিহার শহরের বাসিন্দা

আবেদন করার সময় খোয়াল রাখুন বাংলা বা ইংরেজিতে নিজের হাতে লেখা আবেদনপত্র পাঠাবেন। কোন পদের জন্য আবেদন করছেন এবং কেন নিজেকে তার যোগ্য মনে করছেন তা উল্লেখ করবেন। সঙ্গে দিন এক কপি রঙিন ছবি, সাংস্পর্তিক ব্যয়োডাটা, যেখানে জন্মতারিখ, স্বামী এবং বর্তমান ঠিকানা, যোগাযোগের ফোন নম্বর, মাধ্যমিক, উচ্চমাধ্যমিক, স্নাতক প্রতিটি পর্যায়ে কত শতাংশ নম্বর পেয়েছেন তার পরিষ্কার উল্লেখ করবেন।

আবেদনপত্র পাঠান এই ঠিকানায়— সম্পাদক, উত্তরবঙ্গ সংবাদ, সুহাসচন্দ্র তালুকদার সরণি, বাগরাকোট, সুভাষপল্লি, শিলিগুড়ি ৭৩৪০০১

ই-মেল —career.ubs2016@gmail.com

আবেদনের শেষ তারিখ ২০ এপ্রিল, ২০১৮